

فرمل قبل رمضان | #خطبة_جمعة | د. حازم شومان

حازم شومان

ان الحمد لله نحمده ونستعين به ونستهديه ونستغفره وننحوذ بالله من من شرور انفسنا ومن سينات اعمالنا. انه من يهدى الله فلا مضل له. ومن يضل فلن تجد له هاديا مرشدا - 00:00:00

يا ايها الذين امنوا اتقوا الله حق تقاته. ولا تموتن الا وانت مسلمون يا ايها الناس اتقوا ربكم الذي خلقكم من نفس واحدة. وخلق منها زوجها. وبث رجالا كثيرا ونساء. واتقوا الله الذي تساءلون به والارحام. ان الله كان - 00:00:30 عليكم رقيبا. يا ايها الذين امنوا اتقوا الله وقولوا قولوا سديدا. يصلح لكم اعمالكم ويغفر لكم ذنوبكم. ومن يطع الله ورسوله فقد فاز فوزا عظيما. اللهم صل على الحبيب محمد - 00:00:59

على ازواجه امهات المؤمنين وعلى ذريته وال بنته انك حميد مجيد. اما بعد اخواني واحبابي في الله فاني اسأل الله العلي العظيم ان ينزل من بركاته ورحماته على اهل هذه القرية. اللهم انزل عليهم من برراتك ورحماتك وفضلك - 00:01:19 اللهم بارك لهم في ارزاقهم. وبارك لهم في اسلامهم. وبارك لهم في حسن توكلهم عليك. اللهم امين. اخواني احبابي في الله يعني نتحدث معا باذن الله سبحانه وتعالى في هذه الخطبة في اربع عناصر نركز مع بعض باذن الله عشان في هذه الدقائق - 00:01:39

بفائدة. نتحدث في اربع عناصر. العنصر الاول باذن الله سبحانه وتعالى. واصطبر لعبادته. واصطبر العنصر الثاني فرمل قبل رمضان. فرمل قبل رمضان العنصر الثالث تقاد السماوات يتفتر اخواني واحبابي في الله يعني اللي يعرف قيمة رمضان لازم يخاف على رمضان. انت خايف ان رمضان يروح منك من الوقت ولا لا. خايف على ستين دعوة مستجابة - 00:01:59 خايف على ستين فرصة للعتق من النار. خايف على باب الريان. خايف على ابواب الجنة التمانية اللي بتتفتح من اول رمضان. لنهاته خايف على تنزل الملك في تلتين الليل كل ليلة في رمضان. الله يتنزل في كل ليلة برة رمضان ثلث الليل الاخر. الا في رمضان. ثلثي الليل الاخر - 00:02:29

خايف على كل ده. قال رسول الله صلى الله عليه وسلم من خاف ادلج. يعني ايه من خاف ادلج؟ انت لو عندك في مصر بكرة مقابلة مع وزير. مقابلة مهمة - 00:02:49

تقول لو انا طلعت الصبح ممكن يبقى المواصلات زحمة يبقى لازم اطلع من بدرى اطلع على بيات. اطلع من بالليل من خاف ادلج. من خاف على رمضان في شعبان يا اخواني القطر ما بيستناش حد. لو انت ميعاد القطر الساعة تمانية اتصلوا بك الساعة تمانية قالوا لك القطر على المحطة. صحيحت من النوم غسلت - 00:02:59

وشك نزلت جري مش هتلحقه خلاص راح منك. القطر ما بيستناش حد. لما بييجي لازم تكون واقف على المحطة. كذلك قطار رمضان. لو رمضان جه وانت مش مستعد للأسف الشديد يضيع رمضان كل عام لانه يأتي ونحن غير مستعدون. يا جماعة كل نقطة في رمضان كافية للتغيير - 00:03:19

دعاء رمضان لوحده كافل تغيير حياتك. اعتكاف رمضان لوحده كافل تغيير حياتك. صيام رمضان بقلبك وجوارحك كافل تغيير حياتك تهجد رمضان. ختم القرآن في رمضان كافل تغيير حياتك. تضمن منين؟ تضمن منين كل كل سانية بيموت على وجه الارض اتنين - 00:03:39

كل سانية بيموت اتنين. يعني شوفوا من اول ما بدأنا الخطبة لحد دلوقي مات كم واحد. على وجه الارض. كل يوم بيموت ربع مليون

بني ادم على وجه الارض. ففي - 00:03:59

بيموت ميت مليون بني ادم. تضمن منين ان رمضان الجاي ده مش اخر رمضان في حياتك؟ يعني على ما بييجي رمضان الجاي واللي
بعدك يكون مات على وجه الارض مسلا حوالى مية - 00:04:09

مليون او مية وعشرة مليون بني ادم. تضمن منين ان انت مش واحد منهم؟ تضمن منين ان رمضان الجاي ده مش هو اخر رمضان. يا
جماعة عايزين نستعد الشيطان مرة قبيل ما هو يستعد لنا. الشيطان بيستعد لرمضان. يحاول يعمل مشكلة بينك وبين زوجتك. يحاول
يوقعك في معصية. عايزين نستعد له مرة - 00:04:19

قبل ما يستعد لنا الطالب في السانوية العامة نص درجة بس ينقصها في المجموع بتاعه تفرق في مستقبله كله. بدل ما يدخل الكلية
اللي هو عايزها جنب بلده يروح محافظة تانية كلية تانية ويفضل ندمان ويقول يا ندمي! تخيل انت نص درجة في السانوية العامة
فرقت في مستقبل انسان - 00:04:39

اما حسنة يوم القيمة تفرق قد ايه؟ عشان كده النبي عليه الصلاة والسلام يقول ما من ساعة تمر بابن ادم لا يذكر الله تعالى فيها الا
حسر عليها يوم القيمة. ما من ساعة اي ساعة في اي يوم تمر - 00:04:59

دون ان تذكر الله من غير ما تعمل حاجة تقربك من ربنا الا حسرة عليها يوم القيمة. امال ساعات رمضان يتندم عليها قد ايه؟ تخيلوا
واحد غني جدا وقف عربة بمليون جنيه دلوقتي قدام المسجد ونزل وطلع من جيبه رزمة دولارات كده فاحنا قاعدين نبص هيعلم
بها ايه؟ يطلعها - 00:05:17

فالاشتري بها حاجة ولا قام مطلع ولاعة وقام ولع فيها. هنقول عليه ايه؟ مجنون ليه؟ لانه بيولع في فلوسه. اللي بيولع في عمره
اشد قنوانا من الرجال ده اللي بييجي عليه رمضان ولا لرمضان وهو لسة ما وصلش انه يدفع تمن الجنة؟ يا اخوانا الرجال اللي حرق
فلوسيه ده ممكن يكون - 00:05:37

عنه اكتر منها ممكن يكون يوميا بيكسب اضعافها. انما اللي بيحرق عمره. احنا ما عندناش عمر تاني. لا يوجد عندنا اي فرصة تانية
في قناة غربية مزيع عمل حوار مع واحد مiliاردير غربي. فبيقول له انت وصلت للسروة الجباره دي ازاي؟ فالرجل ما ردش عليه
طلع دفتر الشيكولات ومضى شيك على بياض واداه له - 00:05:57

قال له اكتب اي رقم في الشيك الرقم ده ما بتاعك. اي رقم في المزيع الجعز. قال له اي رقم؟ قال له اي رقم. قال له يعني لو كتبت
خمسين مليون دولار هيبقو بتوعي الرجال خطف الشيك - 00:06:17

منه قال له بص انت جا لك الفرصة وانت ضيعتها.انا عمري ما ضيعت فرصة جات لي عشان كده ربنا خلاني غير ايه. ان رمضان
فرصة يا جماعة ما حدش يضمن ان الفرصة دي تيجي تاني. قال رسول الله صلى الله عليه وسلم في الحديث الذي حسناته الشيخ
الالباني الا ان في ايام دهركم نفحات الا فتعرضوا لها - 00:06:27

في ايام دهركم نفحات فترات بتنهمر منها عطاءات ربنا من خزائن الله. الا فتعرضوا لها. تعرض لنفحات الله في رمضان كم
رمضان ضاع عليك لانك ما كنتش مستعد لانك ما استعدتش من قبله. يا اخوانا الرسول عليه الصلاة والسلام بيقول لك من قام رمضان
ایمانا واحتسابا غفر له - 00:06:47

او ما تقدم من ذنب. ومن صام رمضان ايمانا واحتسابا غفر له ما تقدم من ذنبه. من قام ليلة القدر ايمانا واحتسابا غفر له ما تقدم من
ذنبه. انت جاهز - 00:07:07

جاهز لثلاثين يوم قيام. جاهز لثلاثين يوم صيام. وانت بتقرأ القرآن وانت صائم. جاهز لعبادة ربنا. لازم نتجهز من خاف ادلچ.
اللي خايف لازم ينزل من بدري ويستعد. عشان كده عايزين نقول واصطب لعبادته. يعني ايه واصطب لعبادته - 00:07:17

سيدنا سليمان قاعد في المملكة بتاعته يذكر الله بعد العصر. وهو بيسبح ربنا عشرين الف فرس عملوا لهم عرض ملكي قدام سيدنا
سليمان سيدنا سليمان خطفه جمال الخيل وروعة الخيل وعدد الخيل ولم يستفق عليه الصلاة والسلام الا وقد غربت الشمس -
00:07:37

سيدنا سليمان انتفض فقال اني احبيت حب الخير عن ذكر ربى حتى توارت بالحجاب. ردوها على. هاتوا العشرين الف فرس تاني
فطفق مسحا بالسوق والاعناق ايا ما كان مسحا انه دبحها او مسحا انه ختمها ختم النذر للجهاد في سبيل الله - 00:07:57

من ملكيته انما سليمان دبح او مسح من حياته عشرين الف فرس لأنها ضيغت له ساعة عبادة. احنا يا جماعة اعمارنا ضايع منها قد ايه
من غير عبادة؟ سليمان لما راح منه ورد واحد مسح عشرين الف فرس من حياته. احنا كم ليلة بتروح من غير قيام؟ كم يوم - 00:08:17

يروح من غير صيام ولا نحزن ولا نتدارك ما يحدس. قال تعالى فنادته الملائكة وهو قائم يصلي في المحراب. سيدنا زكرياء واقف
يبعد عن ربنا. فالملائكة بتنداديه وهو قائم يصلي. اشمعنى وهو قائم يصلي؟ عشان نعرف سواب العبادة - 00:08:37

سيدنا زكرياء رفع ايده وطلب من ربنا يحيى في ركعتين قبل ما يسلم من الركعتين ربنا رزقه يحيى. الله عطاء للعباد عطاءات عظيمة.
عطاءات الله لاهل العبادة. عطاءات الله للمقربين على الله. سبحانه وتعالى بالعبادة واصطبر لعبادته - 00:08:57

نادته الملائكة وهو قائم يصلي في المحراب ان الله يبشرك الله اكبر الدعوة استجيبت. سيدنا سليمان زكرياء عنده تسعين سنة ومراته
عندها سبعين تمانين سنة. من وهي عندها خمستاشر سنة عاشر لا تلد. خديحي من خزائن ربنا - 00:09:17

ركعتين يا جماعة. الله قادر. الله استجاب الدعاء يا اخواني. ان الله يبشرك. يبشرني باليه؟ يبشرني بالغفرة ولا بالتوبة ولا رضا الله
يبشرك بيحيى بيحيى ربنا اداني ولد قال ربى انا ان هو انت مستغرب ده في قدرة ربنا لأن انا ما استاهلش - 00:09:37

يا رب احنا ما نستاهلش هزه الكرامات وهزه المعجزات يا رب عطاءات الله. للعباد. ربنا بيدي قد ايه لاهل العبادة. وهي دي الكلمة اللي
ربنا وصف بها سيدنا ابو بكر الصديق في صورة الليل. فقال سبحانه وتعالى فاما من اعطي واتقى وصدق بالحسنى - 00:09:57

وصدق بالحسنى فسنسره لليسري. يعني ايه صدق بالحسنى؟ بعض المفسرين قالوا صدق بالحسنى اي جاء يقينه على العمل الصالح
يعني ايه؟ يعني صدق ان القيام هو سر تفريح الكربارات. صدق ان الصيام هو سر قضاء الحواجز - 00:10:17

وصدق بالحسنى بعض المفسرين قالوا انه صدق ان الحوائج تقضى بالاعمال الصالحة وليس بالأسباب الدنيوية ان صدق ان ركعتين
تتوسل لربنا فيهم. ربنا يحل لك مشاكلك فيهم. صدق ربنا. صدق العبادة يا اخوانا الناس لما صدق قيمه - 00:10:37

شهادات موتها نفسها في طلبها. الناس لما صدق قيمه الاموال وقيمة الدولار والريال. ضيغت شبابها عشان تجيب دولارات وريالات.
الناس لما صدق الأسباب افنت عمرها فيها. لو احنا صدقنا قيمة الاعمال الصالحة. قيمة العبادة بين ايديين ربنا. عشان كده فرمي قبل
رمضان - 00:10:57

رمضان فرصة للمصالحة على الله. رمضان فرصة لنقلة في حياتك في علاقتك بالله. سبحانه وتعالى. تخيل! لو انت مسافر على طريق
جبلي كده زي الطرق بتاعة الصعيد وانت مسافر على طريق الطرق دي بتبقى موحشة جدا. يعني الواحد هو كان بيأسافر فيها يتتسائل
كده. سهل جدا ان عصابة تنزل على اي حد - 00:11:17

معدى على الطريق ده وتاخد منه عربته او تحدث به اذى الا ان يحفظه الله سبحانه وتعالى. مسافر وانت في وسط الطريق والشمس
خلال هتغيب. العربية بتاعة عطلت. فانت واقف ممكн ديابة تطلع عليك. ممكן الحرامية تطلع عليك. فانت واقف مرعوب. والليل لو
دخل عليك مين بقى اللي هيبرك في المكان ده؟ فطلعت المحمول بتاع - 00:11:37

باید مرتعشة عشان تتصل بحد بيجي يغيثك. فلقيت المحمول لاقط شبكة. اتصلت بوحدة رن. رد عليك بيقول الو المحمول فصل
شحن. تخيل انت بقى في اللحظة دي. قهرة قلب الواحد بيقى شكلها ايه؟ في لحظات لا تحتمل ان المحمول يفصل فيها شحن. وفي
لحظات - 00:11:57

لا تحتمل ان قلبك يفصل فيها شحن. عشان كده رمضان لا يتحمل ان قلبك يفصل فيه شحن. لازم تشحن دلو قتي. لازم تشحن شحن
 حقيقي ايماني من الوقتي النبي عليه الصلاة والسلام كان يستعد لرمضان من شعبان. النبي عليه الصلاة والسلام كان يصوم شعبان كله.
 كان - 00:12:17

صوموا شعبان الا قليلا. يعني النبي عليه الصلاة والسلام لو برا شعبان كان بيصوم يومين في الأسبوع جوة شعبان بقى تتعكس. بيقى

بيفطر يومين في الأسبوع تتعكس يعني يومين ثلاثة صيام وبعد كده يوم تفطر. يومين ثلاثة صيام وبعد كده يوم تفطر. متخيلين يا اخواني ان النبي عليه الصلاة والسلام بنفسه كان يستعد - 00:12:37

رمضان. انت ما انتش محتاج انك تستعد لرمضان؟ انت ما انتاش محتاج انك انت تتجهز لهزا الشهر العظيم. قضية خطيرة جدا. قضية انك لازم تشحن تخيل لو انت لك واحد صاحبك موظف حكومة وعلى قد حاله انت عارف موزف الحكومة مرتبه يعني بيذقه بازن الله لحد اخر الشهر كده بالعافية - 00:12:57

من يوم عشرين يبدأ يستلف ولا حاجة عمال يقبض المرتب تاني. تخيل انت بقى لك واحد صاحبك موظف حكومة وحاله بالمنزد ده. فجأة ماشي لقيته راكب عربية ده مرسيدس فارهة. الله! هو سارقها ده ولا ولا ولا بيسوقة لها صاحبها ولا ايه! لقيته وقف قدام فيلا فاخرة. فيلا منيفة. واول ما - 00:13:17

وقف لقيت اربعة لابسين يعني يوني فورم كده قاموا فاتحين له العربية واتفضل يا باشا ونزل يا باشا ويفتحوا له باب الفيلا ايه ده! ده العربية دي بتاعته والفيلا دي بتاعته واللي شغالين دول شغالين عنده فانت جريت عليه قلت له يا فلان قال لك نعم قلت له انت

انت كل ده جبته امتى؟ انت كل ده عملته امتى - 00:13:37

انت راجل موزف حكومة غلبان. قال لك بص بقى انت صاحبي وحبيبي وانا ما ينفعش اكدب عليك ابدا. انا راجل حريص جدا. انا كنت كل شهر باحوش شوية من المرتب بتاعي - 00:13:57

احطهم على جنب ولا يمكن اقرب منهم ابدا. فشهر على شهر على شهر الشوية اللي انا بحوشهم المرتب. عملت بهم اللي انت شايفه ده. بالله عليك يا اخي لو واحد صدق الموزف ده يبقى ايه؟ يبقى عاقل ولا مجنون؟ ما ينفعش حد يصدقه ليه؟ لأن ما فيش حد بيغتنى من مرتبه. اللي بيقتنع يا اخواننا اغتنى من - 00:14:07

صفقة اغتنى من ورس فجأة لازم اللي اغتنى ده فيه خبطه حصلت. فيه صفقة حصلت اهو بالضبط ده رمضان يا جماعة. رمضان دي الصفقة اللي ربنا يعني ايه؟ يعني انت كل يوم بتعمل اعمال صالحة. بتصلني ولكن كل يوم بتعمل زنوب. فانت مش هتبقى غني من مرتبك اليومي - 00:14:27

من اعمالك اليومية. انما رمضان خبطه عمر. رمضان لو انت استغلتيه صح تتنقل نقلة تانية في دينك. تتنقل نقلة تانية في علاقات بالله سبحانه وتعالى لازم تفرمل من الوقتي. لازم تقف مع نفسك من الوقتي. لما كنا مرة على طريق من طرق الصعيد رايحين - 00:14:47

يعني درس في طريق من طرق الصعيد والعربية على سرعة مية وستين والسوق فجأة فرمل قدام موتسيكل. العربية اتقلبت اربع مرات. وكنا هنمومت فيها. خرجنا بمعجزة من سبحانه وتعالى انما الواحد اتعلم ان والعربية كانت زورو جديدة لاذج. الواحد اتعلم ان ما فيش عربية مهمها كان امكانياتها ينفع وهي طايرة على صورة - 00:15:07

مية وستين تفرمل فجأة والعربية تقف. ما ينفعش. دي حادسة موت. بالضبط كده. احنا طايرين في الدنيا على سرعة مية وستين. عايزين نفرمل من بدري يا جماعة العربية اللي هتفرمل فجأة هتتقلب. ما ينفعش تيجي يوم واحد رمضان وتفرمل - 00:15:31 لازم تفرمل من بدري. لازم عارفين زي اللي متجلس ايده متجلس. لما ييجي يفك الجبس ما يعرفش يحرك ايده. يقولوا له ده انت قدامك شهر تمارين وعلاج طبيعي عشان تقدر تفكها. الوقت احنا قلوبنا متجلسه بحب الدنيا. هتتيجي تفك الجبس يوم واحد رمضان. قلبك مش هيشتغل. هتلاري نفسك ما انتش لاقط. لازم تفك الجب - 00:15:47

من بدري عشان كده هو شعبان واحنا بنتكلم مع شباب في جولة من الجولات يعني من يومين كده كلام الشباب عن شعبان فشاب واقف يعني سمع الكلام عن شعبان فحس ان شعبان ده مهم او. حس ان شعبان ده خطير او لي عايز يفوز برمضان. فلقيت - 00:16:07

بيقول هو شعبان. فحسبيت ان كلمة وهو شعبان دي عاملة زي ايه؟ زي واحد مسلا زلمك فانت مش عارف تاخد منه حق ولا باطل. واحد قال لك عايز تاخد حقك - 00:16:27

قلت له اه. قال لك هو فلان عليك وعليه. هو اللي هيعرف يجيب لك حقك منه. هو عايز رمضان اه هو شعبان. هو القنطرة الى رمضان.
هو الجسر الى رمضان. اللي عايز يفوز برمضان لازم يستعد في شعبان. اللي عايز ينطلق الى الله في رمضان لازم يكون عنده استعداد
حقيقي - 00:16:37

في شعبان على قد ما هستعد لرمضان في شعبان على قد ما هتفوز برمضان. كل سنة بيضيع مننا رمضان لأننا نستعد له يا جماعة.
رمضان ما هوش عصاية سحرية. اول ما هييجي قلبك هيرق. والمدح هتنزل من عينك. والمصحف هيفتح ليلاً نهار. يا - **00:16:57**
اخوانا لازم تكون مسخن كوييس او اي من قبل رمضان عشان لياقتكم الایمانية تبقى مرتفعة في رمضان. قضية يعني خطيرة جداً عندنا
شاب من الشباب دكتور دكتور اسنان في المنصورة سبحان الله مات يوم ستة وعشرين شعبان من حوالي سنتين كده ثلاثة الله يرحمه
من - 00:17:17

كل سنتين مات وهو صائم والاخوه جاب له الورق بتاعه اللي كان بيفرغ فيه الدروس عشان ويكتب فيه جدول استعداد لرمضان
عشان يستعد لرمضان. ده مات قبل رمضان. قعد يستعد يستعد. لدرجة ان لقيت ورقة من ضمن الورق جدول ما بعد رمضان.
يعني محدد بعد - 00:17:37

رمضان ان شاء الله هخرج باوراد شكلها ايه. ولقيت ورقة جدول رمضان. جدول الاستعداد لرمضان. حاجة غريبة جداً يا اخوانى.
حاجة عجيبة يا جماعة. ان سبحان الله العظيم الرجال ده مات على نية الاجتهاد في رمضان. لعل الله كتب له اجر رمضان وهو لم
يبلغه. انما فيه ناس كتير قوي بتموت وهي مش في نيتها هذا الامر - **00:17:57**

وهي مش متحفزة لهذا الامر. عايزين نقول لعزيزتنا لأ. عايزين نقول لكل شهوة معطاناً عن عبادة ربنا لأ. يحكي ان كان فيه آآآ كلب
فالكلب زعلان او من اسمه. انا اسمي كلب والناس لما بتشتم بعض بتشتم الكلب بكلمة باسمي. فراح للأسد - **00:18:17**
قال له انا عايز اغير اسمي. قال له عايز تغير اسمك ليه ؟ قال له انا انا اسمي ده بقى عار. لما حد بيحب يشتم حد بيشتمه باسمي.

فقال له طيب خد حنة اللحمة ديت - 00:18:37

وعينها عندك اسبوع. لو انت قدرت تعينها عندك اسبوع وجبتها لي بعد اسبوع انا هغير لك اسمك. فالكلب خد قطعة اللحم واول يوم
بص لها كده وقال انا يمكن اكلها. انا لازم اخلص من اسمي ده. تاني يوم جاع. بص لحنة اللحم وقال لا يمكن هقرب منها. انا لازم
اخلص من اسمي. تالت يوم هيموت من الجوع - **00:18:47**

قام منقض على حنة اللحم وقال كلب ما له اسم الكلب يعني! ده حتى اسم جميل! وقام واكلها! هي دي القضية! قضية الانسان
اللي ما عندوش همة انه يغير. ما عندوش همة انه يتغير. ما عندوش همة مهما كان الوضع خطير. تخيل واحد بيجري في الشارع
فجأة لقى اسد بيجري وراه - 00:19:07

مش عارف يروح فين لقى بير نزل البير يستخبي جاي ينزل في عمق البير لقى افعى ثعبان فاتح بوجهه ومستني انه يبلعه. فيبص فوق
يلاقي الاسد فتح انيابه بيتص تحت يلاقي الافعى فاتعة انيبا فتعلق بحبل في وسط البير كده لقى حبل اتعلق به لقى فار جاي قاعد
ياكل في - 00:19:27

الحبل تخيلوا الرجل ده يا جماعة موقفه ايه الرجل ده هو احنا الاسد اللي بيجري وراك ده الاجل والقبر والتعنان اللي فاتح ده القبر
والحبل اللي ماسك فيه ده عمره. والفقر اللي بيأكل في الحبل ده الليل والنهر اللي بيأكله في عمره. فال موضوع منتهي يا جماعة -
00:19:47

تخيلوا واحد في الموقف ده بقى وقام واحد جايب له شاشة ال سي دي كده عليها قنوات اغاني ولا افلام وقعد يتفرج عليها. تخيل!
ما ينفعش! احنا الوقت في الموقف اللي احنا فيه ده لازم يأخذ حزره من الآخرة. لازم يستعد للآخرة. لازم ينتبه لخطورة الامتحان.
الذى هو فيه - 00:20:07

ينتبه لخطورة ان عمرك ده الفرصة الوحيدة للوصول الى الله سبحانه وتعالى. لو ذهب منك العمر فلن تجد فرصة اخرى توصل بها
لربنا وتسترضي بها الله سبحانه وتعالى. عشان كده فرمل قبل رمضان. فرمل قبل رمضان. يعني لازم - **00:20:27**

وكل واحد مننا يقف يراجع حسابه. هل تعلمون يا اخوانى ان شعبان اللي احنا فيه ده اخطر من رمضان اخطر من رمضان ازاى؟
شعبان هو موسم ورفع الاعمال الى الله. يعني السنة اللي فاتت كلها بما فيها رمضان اللي فات بيترفع الايام دي الى الله. انت عارف عارفين الحكومة في شهر سبعة - 00:20:47

تبقى المصالح ويعنى في توترك ليه تقضي السنة المالية. انت الوقت بيتفقد السنة بتعاتك. اعمال سنة كاملة. صحيفة سنة كاملة الحملة سترفع الى الله. تخيل مليار مسلم هيترفع عليهم مليار صحيفة. انت صحيفتك هتروج فين؟ تخيل لو ربنا قبل منك عمل صالح واحد. تخيل - 00:21:07

لو طلعت الصحيفة وفيها زنوب واتقفلت وما افتحتتش الا يوم القيمة. لازم تلحق تصح الصحيفة بتعاتك. لازم تلحق تتوب من الزنوب اللي فيها لازم تلحق تعوض الاعمال الصالحة اللي رايحة منك صلة الرحم. لو رايحة منك الحق عوض بر الجار. لو رايح منك الحق عوض ترفع - 00:21:27

الاعمال الى الله في شعبان واحب ان يرفع عملی وانا صائم. النبي عليه الصلاة والسلام اخبرنا ان الاعمال ترفع الى الله في شعبان وان النبي صلى الله عليه وسلم كان يصوم شعبان من حكم صوم شعبان ان يرفع عمله وهو صائم. عليه الصلاة والسلام. يعني اذا شعبان فيه حاجتين - 00:21:47

الختار. الحاجة الاولانية انه القنطرة الى رمضان. انك لازم تسخن من شعبان عشان تنطلق في رمضان. الحاجة الثانية ان شعبان رفع الاعمال الى الله سترفع الى الله اعمال السنة اللي فاتت كلها. كل سنة صليتها وكل صلاة ما صلتهاش. كل صفحة قرآن - 00:22:07 وكل نزرة لحرام نزرتها. كل معصية وكل طاعة. كل ده سيرفع الى الله سبحانه وتعالى. هيرفع الى الله ايه عنك؟ وصحيفتك ايه لما ترفع الى الله ربنا هيرضى بسبيها ولا ربنا قد يسخط على العبد بسبيها؟ عايزين نقف مع نفسنا وقفه يا اخواننا حتى رمضان اللي فات ليلاً القدر اللي فاتت - 00:22:27

لو كنت حجيت او اعتمرت السنة اللي فاتت كل ده سيرفع الى الله في هذه الايام. فماذا انت فاعل؟ هل ده حدس عادي؟ حدس عادي انت عمرك قل له من يوم ما بلغت لحد ما هتموت بلغت مسلا وانت عندك كم سنة؟ لحد ما هتموت اربعين سنة ولا حاجة. يعني اربعين صحيفة. يعني اربعين شعبان. يعني انت رأس - 00:22:47

ملك اللي هتقابل به ربنا اربعين مرة اترفعت صحيفتك في شعبان. تدخل تعرض على القبر الاربعين صحيفة دول. يبقى لازم تجود الصحف دي. لازم انتبه لهذا الامر الخطير. لازم تستعد لهذا الامر العظيم. واخيرا اخوانى في الله تکاد السماوات - 00:23:07 تتقطرون تکاد السماوات يتقطرون. قضية كبيرة قوي منزد مشهد القرآن وهو يصف لحظة نزول القرآن في السماوات. لحظة نزول القرآن. احنا يعني فيه ناس ما ارادش القرآن من من رمضان اللي فات. فيه ناس ما فتحتتش المصحف - 00:23:27

من رمضان اللي فات. فيه ناس يا جماعة محتاجة تروح بيتها تشيل التراب من على القرآن. من على المصحف وتبدأ تقرأ. هتبأ تقرأ القرآن في رمضان زي كل سنة وبعد كده اخر رمضان تقول له خلاص عينوا المصحف لحد السنة اللي بعدها. عايزين غير علاقتنا بكتاب ربنا سبحانه وتعالى. وقال الرسول يا رب ان - 00:23:47

اتخذوا هذا القرآن مهجورا. ترضى ان النبي عليه الصلاة والسلام يشتكيك لربنا. ترضى ان النبي يقدم شكوى فيك لربنا. يوم القيمة يرضى هذا الامر ربنا بيصف منزد القرآن في السماوات. في اول سورة الشورى تکاد السماوات - 00:24:07

يتقطرون من فوقهن. والملائكة يسبحون بحمد ربهم. السما هتقطر من جلال طول القرآن وملائكة السماوات السبعة بتتجأ بالتسبيح لله. من جلال نزول القرآن. لما نزل القرآن عمل ايه في - 00:24:27

القرآن اللي قلب السماوات وهو نازل عمل ايه في قلبك؟ عمل ايه في حياتك؟ غير ايه فيك؟ مين فينا يا جماعة مين فينا بيفتح مصحف كل يوم يقرأ شيء من كتاب ربنا ينور به قلبه. مين فينا يا اخواننا هيقرأ النهاردة سورة الكهف لحد قبل المغرب. كما - 00:24:47

ندب النبي صلى الله عليه وسلم. اقول قولي هذا واستغفر الله لي ولكم الحمد لله وكفى وصالة وسلاما على عباده الذين اصطفى.

اللهم لك الحمد كله وكل الملك كله وبيدك الخير كله واليک يرجع الامر كله - 00:25:07

لبيك يا ربنا وسعدتك. والخير كل الخير في يديك. والشر ليس اليك. انا بك واليک. تبارك وتعالیت. استغفرك واتوب اليك. اللهم صل

على حبيب قلوبنا وعلى طبيب قلوبنا وعلى شفيقنا يوم العرض عليك محمد. صلى الله عليه وسلم - 00:25:22

في الاولين والاخرين وفي كل وقت وحين. اما بعد اخوانی واحبابی في الله تکاد السماوات يتقطعن من فوقهن الكون مقلوب عشان

كل اية من كتاب ربنا. عشان السنت الاف متین ستة وتلاتین ایة اللي في القرآن. القرآن اقوى من عصا موسى. كل اية في القرآن - 00:25:42

اقوى من شق البحر لموسى. كل اية في القرآن اقوى من كل المعجزات. التي اوتتها الرسل. القرآن معجزة. لما بسمع قصص الصحابة ما

بنبهرش بالصحابة بنبهر بالقرآن اللي رب الصحابة. لولا القرآن ما كانش خباب قدر يستحمل الكوبي بالنار. لولا القرآن ما كانتش - 00:26:02

زينة قدرت تستحمل العذاب في الصحراء. لولا القرآن ما كانش بلال قدر يستحمل اذرع الحديد. لولا القرآن كتاب ربنا يا اخواننا اللي

هيصنع منك بطل مرة تانية. اللي هيجدد الایمان في قلبك مرة تانية. القرآن هيعلی همتک في التوبة الى الله. لما ربنا يوصف الاقوال - 00:26:22

المعذبين بمعاصيهم. يقول كانهم اعجاز نخل خاوية. اعجاز نخل منقعر. اعجاز نخل. يعني نخلة اتعلقت من الارض. واعجاز يعني

اتقطع راسها وخاوية يعني تشق بطئها وخرج اللي فيها. تخيلبني ادم الريح خلعت راسه من جسمه - 00:26:42

وفصلت ايده ورجله من جسمه. وبطنه افتحت وتناثرت احشاوه. وبقى حته جزع كده طاير في الهوا وخلاص. ده بسبب ايه؟ بسبب

معاصيه بسبب ايه؟ بسبب تمردك على الله. واتخذتموه وراءكم ظهريا. ادوا ضهرهم لربنا. سبحانه وتعالی. القرآن بيخلی - 00:27:02

همتك تعلو في الزهد في الدنيا. لما ربنا يقول في سورة النور كسراب بقى. سراب. الدنيا دي سراب يا جماعة. الدنيا دي سراب من

التسرب عارف حاجة بتتسرب من ايديك. يعني الانسان كل ما يجري عليه السراب بيجري منه. السراب لو كان واقف مكانه كنت لو

جريت عليها تكتشف - 00:27:22

بسريعة انه سراب وما تضيعش عمرك. مصيبة السراب انه قاعد يتسرب منك. انك كل ما بتجرى عليه بيجرى منك. فبتموت وانت مش

عارف ان هو سراب ما بتفهمش غير بعد ما يكون ضيع عمرك. هي دي الدنيا. الدنيا دي سراب. سراب. الناس بتجرى وراها. لحد ما

بيجي الموت الناس تفوق ان الدنيا دي - 00:27:42

ما كانش لها اي قيمة. ولا كانت تساوي اي شيء. الناس تتلزز بمعصية الله يا جماعة. يعني واحد اتخانق مع زوجته والحياة بينهم

اصبحت مستحيلة وما عادوش طايقين بعض. خلاص الرجل دخل على النت دخل على على بدأ يتكلم مع واحدة على النت وحبها

واقتنع بشخصيته - 00:28:02

وانبهر بها واتفق معه ان هم يتقابلوا في مكان معين في وقت معين. فلما ذهب ليلتقي معها فوجئ ان هي زوجته. يعني سبحانه الله

العظيم يعني زي الرجل الذي كان سيقع يعني الرجل الذي كان يحب الزنا فزوجته مش عارفة تخليه يتوب ازاي يعني عملت انها فتاة - 00:28:22

تكلمتها في التليفون فقال لها يعني انه يريد ان يقع في الزنا. قالت له انا موافقة بس بشرط ان البيت يكون ضلما تماما. قال لها موافق.

فلما وقع في الزنا - 00:28:42

كما يتخيل معها اضاءت النور فوجدها زوجته. فقال كلمة خطيرة. فقال ما اقبحك في الحال وما احالك في الحرام هي دي مصيبة

البني ادم. مصيبة البني ادم انه بيتلزز لما يكون الموضوع حرام. بيتلزز بالدنيا وهو لا يدرى انها جيفة - 00:28:52

لما يكون الانسان قلبه منصرف عن الله. سبحانه وتعالی والعياذ بالله اللي بيظهر لك قلبك تاني بقى. اللي بينضفك من جوة تاني هو

قرآن انك انت تستحمي في نهر القرآن. انك تغسل قلبك بنور القرآن. هو اللي بيرجعك ندوس من جوة تاني. هو اللي بيظهرك من جوة

القرآن هو اللي بيخليك تعرف طريق السعادة. هو اللي بيخليك تعرف تعيش سعيد ازاي. في يعني احد البلاد الساحلية المشهورة في مصر. واحد مiliar عنده خمس قرى سياحية. خمس قرى سياحية. قرية واحدة منهم فيها خمس حمامات سباحة. يعني راجل مiliarder. يعني حاجة بيمشي في في صولجان - 00:29:32

كده الدكتور بتاعه في هزه البلد راح لواحد دكتور صيدلي صاحبي بيقول له ابوس ايدك شف له مهدى الرجل مش عارف يمني الاكتئاب الاكتئاب صاحبي بيقول انا قلت كتاب الرجل عنده مليارات. يا اخوانا السعادة مش بالفلوس - 00:29:52
السعادة مش بالأسباب. السعادة لا يوجد لها سبب على وجه الارض الا الاتصال بالقرآن. الا معرفة الله من القرآن. هو ده الوحيد ان انت تعيش سعيد. ان انت تعيش مطمئن. ان انت تعيش موصول بالله. سبحانه وتعالى. جت فرصة ان احنا نرتبط بالقرآن. جت فرصة - 00:30:07

احنا نقرب من كتاب ربنا. جت فرصة ان احنا نفتح المصحف ونسلم له قلوبنا. شعبان هو شعبان. عايز رمضان تقرأ فيه القرآن لازم تبدأ من شعبان. عايز رمضان ربنا يفتح على قلبك في القرآن وما تقفلش المصحف تاني بعد رمضان. هو شعبان عايز تعيش مع كلام ربنا في رمضان - 00:30:27

هو شعبان لازم تفتح المصحف من وقتني. لازم تقبل على كتاب الله من الوقتي. تخيل كده لو انت الفت كتاب الفتكتاب فنزلت بلد تانية لقيت واحد جايب الكتاب بتاعك وكاتبته بخط ايده وقاعد يكلم الناس عنه وحافظه - 00:30:47
وقد يشرحه للناس هتحبه قد ايه. تخيل بقى كتاب ربنا اللي بيحفظ كتاب ربنا. اللي بيقرأ كتاب ربنا على طول. اللي مرتبط بكلام ربنا. اللي كلام الناس عن كلام ربنا. ربنا يحبه قد ايه. ربنا سبحانه وتعالى يتحنن عليه قد ايه. قال خباب ابن الارت رضي الله عنه لابنه يابني تقرب - 00:31:06

من الله ما شئت ان تتقارب فانك لن تتقارب اليه بشيء احب اليه من كلامه. اكثر حاجة هتقرب من ربنا هي كلام ربنا. اكثر حاجة تقربك من ربنا. كتاب ربنا. قال رسول الله صلى الله عليه وسلم اصغر البيوت اصغر من الصفر. يعني بيت يساوي صفر في الامة - 00:31:26
البيت ده صفر على الشمال. البيت ده الامة ما انتفعتش منه بحاجة. قال رسول الله صلى الله عليه وسلم اصغر البيوت بيت ليس فيه شيء من القرآن ده بيت صفر اللي لا الزوج حافظ ولا الاولاد حافظين ولا يicroوا ورد القرآن - 00:31:46
البيت ده صفر. البيت اللي ما فيه القرآن. امال اللي معه القرآن؟ قال رسول الله صلى الله عليه وسلم الماهر بالقرآن مع السفرة السفرة دي اعلى الملائكة في الكون. السفرة يعني تخيل من غير القرآن انت صفر. مع القرآن انت من السفرة. الفرق ان دي بالصبر - 00:32:06

ودي بالسین اصغر البيوت والسفرة دي بالصاد ودي بالسين. فرق جبار لما القرآن بيدخل حياتك. لما القرآن بينور حياتك. بيعمل نقلة جبارة في حياتك. نقلة خطيرة في حياتك. لما تعرف قيمة القرآن. عشان كده ربنا بيقول للنبي ولا تعجل بالقرآن - 00:32:26
يعني ايه ولا تعشر بالقرآن؟ العجلة بالشيء فيها معنى الاغاسة يا جماعة. يعني مراتك بتتلوي من الالم وانت لقيت حقنة مسكنة. فانت تعجل بالحقنة تنفرزها من الالم. انت ولادك هيموتوا من العطش ولقيت مية. فبتتعجل بالممية عشان تنفرزهم من العطش. فالنبي لما سمع القرآن - 00:32:46

عرف ان القرآن ده هو السر. عرف ان القرآن ده هو الحل. عارف ان القرآن ده هو اللي هينقذ البشرية. هو الحل للشباب اللي قاعدin على القهاوي. هو حل للشباب اللي بيعصوا ربنا هو الحل لتوبة الناس اللي بتناكل مال حرام. عرف ان القرآن ده طوق النجاة اللي هينقذ البشرية. فالنبي نازل - 00:33:06

بسريعة على الناس عشان يقول لهم القرآن ربنا بيقول له استنى ولا تعجل بالقرآن. من قبل ان يقضى اليك وحيه. لحد ما المعاني بتاعته تنزل على قلبك انت اولا لحد ما انوار القرآن قلبك انت يشربها الاول. عايزين يا اخوانا شعبان ورمضان بيقولوا معسكر هائل في العلاقة - 00:33:26

القرآن الاعمار قصيرة يا جماعة الاعمار قصيرة. لا ندري هنبلغ رمضان ولا لأندري مين فينا هيعيش لرمضان ومين فينا هيموت. واللي هيبلغ قال لا تدرى ده اخر رمضان في حياتك ولا مش اخر رمضان؟ وموت الفجأة حينما يأتي لا يرحم صغير ولا كبير. عندنا في المنصورة من اسبوعين - 00:33:46

شباب يعني شباب صغير فجأة وهم ماشيين بالعربية يعني سبحان الله العظيم ماتوا عملوا حادسة كده العربية انقلبت ماتوا باب في عمر الزهر. واحد صاحبهم نزل عزا على الفيس. قال يعني البقاء لله واصحابه هزا الشاب الساعة اتناشر بالليل اخ من - 00:34:06 اللي معنی هنا اهوت اللي جايین معنی لقيته بيغبط على باب الساعة اتناشر بالليل. الشباب اتدفنم. الله يرحمهم في صلاة الجمعة وصلاة العصر. لقيته بيغبط علي اتناشر بالليل. فيه ايه؟ جنازة - 00:34:27

راحت جنازة مين ده ؟ الشاب اللي كان ماشي في جنازتهم الصبح وعزاهم على الفيس. بيسافر على الطريق عمل حادسة مات. يعني يا اخوانا اي حد ممكن يموت في اي لحظة. اي حد ممكن يقابل ربنا في اي لحظة. كنت واقف مع شاب من الشباب وكان يعني في موقف كله معاصي - 00:34:37

كل معاصي ما كانش بيصلني. باقول له يا ابني حرام عليك رح حل. تب لربنا لو مت هتقول لربنا ايه؟ ما صلاش. ما سابش السجارة. ما سابش المعاصي اللي هو فيه - 00:34:57

ما سابش المخدرات. الشاب ده مات بعد تلات تيام. تلات تيام مات في المنصورة وهو مع اصحابه في السيارة مات رموه من العربية وطلعوا يجروا. يعني القضية قضية ان موت الفجأة ممكن يجي في اي لحظة. موت الفجأة اصبح كثير في هزه الايام. الانسان ممكن يموت في اي لحظة عايزين - 00:35:07

يا جماعة تضمن منين ؟ تضمن منين ان انت اللي هتعيش ؟ تضمن منين ان انت تلحق تاخد رمضان تاني من خزائن ربنا. تضمن منين عمر تشهد به رمضان تضمن منين عمر تشهد به شعبان تاني. انت في اعزم المواسم. في افضل الايام. انت في نفحات الله - 00:35:27

تعرض لها ما تضيعش الفرصة اللي انت فيها. ما تضيعش الفرصة دي لأنك هتندم يوم القيمة. لو هزه الفرصة الخطيرة راحت منك. واحد هو بيموت بيقولوا له قل لا الله الا الله. قال لهم هاعمل بها ايه؟ وانا عمري ما صليت له ولا ركعة واحدة. واحد وهو بيموت بيقولوا له قل لا الله الا الله. قال لهم ما - 00:35:47

اعني بايه؟ وانا عمري ما سبت معصية الا وعصيته بها. يعني ساعة الموت والعياذ بالله قطعوا من رحمة الله. وده زنب اشد من اي زنب ممكن يكونه عملوه في حياتهم. القنوط من رحمة الله. واحد كان في الطيارة وراجل اعماله ومعه شنطة جا له زبحة صدرية جوة الطيارة. اللي جنبه بيقول له قل لا الله الا - 00:36:07

الله! وراجل بيموت! قل لا الله الا الله! الرجل قال له الكلمة دي مش قادر اقولها مش قادر اقولها اصعب من كلمة لا الله الا الله. الكلمة لا الله الا الله سهلة. ولكن من عاش عليها مات عليها. من عاش في سبيل - 00:36:27

الله رزق لا الله الا الله. انما الانسان اللي عاش معرض عن الله. الانسان اللي عاش مستهين بنفحات الله. ومستهين بمواسم الطاعة. هيموت عليها ازي يا جماعة الا ان يشاء الله اخوانى في الله. اخيرا ولا يزال قوم يتأخرون حتى يؤخرهم الله. مش عايزين نتأخر. عايزين نبادر. عايزين نخرج من المسجد - 00:36:42

كل واحد يجري على سورة الكهف. كل واحد يعيid حساباته. كل واحد يشوف هيصوم ايه في شعبان. ها مين اللي هيصوم اتنين وخميس ياخد قرار الوقت وقاعد معنا. مين اللي هيصوم يوم ويقطر يوم؟ مين اللي هيصوم معزم شعبان؟ كل واحد يقرر يا جماعة. مين اللي هيصوم ولو يوم في الاسبوع؟ انما يا اخي خلبيهم - 00:37:02

حتى يومين في الاسبوع اتنين وخميس حتى يبقى فيه استعداد لرمضان. يمكن ترفع الاعمال في يوم اتنين او في يوم خميس. يبقى حزك عند ربنا سبحانه وتعالى هتبأ تقرأ المصحف لازم تفتح المصحف كل يوم. لازم تبدأ ترتبط بورد قرآنی. لازم ترتبط ولو بنص ساعة قيام ليل ولو بعد العشاء. كل يوم - 00:37:22

يا اخوانا عايزيين نستعد يا اخوانا من خاف ادلج يا اخوانا رمضان بتفتح فيه ابواب الجنة التمانية. لو افتحت وانت جاهز هتدخل الجنة عيش رمضان في الجنة. اسأل الله سبحانه وتعالى. اللهم بلغنا رمضان. واجعلنا فيه من الفائزين. اللهم اجعله خير رمضان مر علينا في حياتنا - [00:37:42](#)

اللهم بلغنا ليلة القدر واجعلنا فيها من الفائزين. اللهم اصلاح احوالنا. اللهم اجعل رمضان القادم فتحا على امة حبيبك. اللهم انزل هدایتك على اهل مصر. على قلوب شبابها وفتياتها ورجالها ونسائها واطفالها - [00:38:02](#)
اللهم انصر دينك واعز اوليائك. اللهم اذن لدينك ان يسود. واذن لشرعك ان يقود. واذن لكتابك ان يحكم اللهم طهر مصر من الواقع الفاسدة. وطهر مصر من الزنا والخنا. وطهر مصر من الرشوة والربا. وطهر مصر من التبرج والسفور. وطهر مصر من الخمور - [00:38:22](#)

والمخدرات يا ربنا. اللهم استعملنا ولا تستبدل بنا. اللهم استعملنا ولا تستبدل بنا. اللهم اكرمنا ولا تهنا واعطنا ولا تحرمنا. واثرنا ولا تؤثر علينا. اللهم زدنيا ولا تقصنا. اللهم فرج كربنا. اللهم ادي الدين - [00:38:42](#)
عن المديني فيينا. اللهم يسر امورنا. اللهم اصلاح قلوبنا. امين يا رب. اللهم اختم بالباقيات الصالحات اعمالنا. اللهم اغث اننا في حلب اللهم اغث اخواننا في فلسطين. اللهم اغث كل المستضعفين في الارض يا رب العالمين. اللهم انزل من بركاتك على اهل هذه - [00:39:02](#)

قرية انزل من رحماتك وهدایاتك على اهل هذه القرية. اللهم فرج كربهم. اللهم ارحم امواتهم. اللهم ثم بارك لهم في ارزاقهم. اللهم ارزقهم الالفة والحب فيك. برحمتك يا ارحم الراحمين. سبحانك اللهم وبحمدك. اشهد ان لا اله الا انت استغفرك واتوب اليك - [00:39:22](#) - [00:39:42](#)